

GO THOMENG LE GO FELENG

GA LEBAKA LA BANTLE

 Mantšiboa a mabotse, bagwera. Ke leboga kudu go ba mo, bošegong bjo, gape. Ke nno tloga mo, lebakana la go feta. Ke a nagana, ke tšwetše ntle e ka ba ka iri ya bone. Gomme ka gona ke ile ka swanela go . . . re ile tlase go bona bagwera ba bangwe gape. Gomme ke tlide morago, metsotsø ye mehlano ka morago ga šupa, go no swanela go tla morago tlase. Kafao ke mohuta wa go swanela go tsoma sehlogo, go le bjalo, Ngwanešu Neville.

² Eupša, bjale, go na le kgopelo yeo e sa tšogo biletšwa ka gare, go tšwa go yo mongwe ka Chattanooga, Tennessee, moratwa yo motee yo a bego a le ka kotsing dibeke tše tharo tša go feta, gomme o robetše a idibetše, go le bjalo. Gomme o kgopelo thapelo fa, go tšwa kerekeng. Gomme . . .

³ [Ngwanešu Neville o re, “Ngwanešu Bill?”—Mor.] Ee, ngwanešu? [“A nka kgona go dira tsebišo?”] Ka kgonthe o ka kgona. Ngwanešu Neville, e no tla. [“Ntshwarele, Ngwanešu Bill.”] Ee, mohlomphegi. [“Ke nno nyaka go lebala, ke dirile tshepišo go dira tsebišo bošegong bjo.”] Lefelo la go se be le selo godimo ga theipi.]

⁴ Re be re—re be re bolela ka Melekitsedeke, Yo bego a le Yena, gomme rena ga go selo sa go swana le go kgabola ka yona. Eupša mohlomongwe, nako ya go latela go tleng ka gare, re ka kgona go topa godimo go tloga fao, re sa le ka go Puku ya Bahebere.

⁵ Eupša, bošegong bjo, re phetla godimo go Puku ya Daniele. Gomme lena ka Dibeibele tša lena, phetlang go Daniele 12. Gomme re ya go bala gannyane go tšwa fao, le go bolela, mohlomongwe, go le lengwe la Lentšu la Modimo go tšwa go Puku ya Daniele.

⁶ Bjale, Daniele o be a le yo mongwe wa . . . o be a le moprofeta yoo a rwaletšwego go tloga Jerusalema, go ya tlase ka Babilonia, ka go rwalelweng ga Babilonia, ke Kgoši Nebukadinetsara. O be a le moisa yo moswa ge a eya tlase ka Babilonia. Go be go se bontši bja bona bao bá bego ba sa swareletše tumelo ye botse ya kgale.

⁷ Ke rata Daniele, gobane ya gagwe . . . o be a rerile seo ka pelong ya gagwe, ge a ile tlase ka Babilonia, gore o be a eya go dula a le modumedi, gomme o be a sa ye go itšhilafatša ka boyena ka dinama tša kgoši, le go ya pele. Bjale, sona selo . . .

⁸ Gomme Daniele o be a le moprofeta go Bantle. Daniele o bone lebaka lohle la Bantle le tsoga le go wa. O bile wa pele go ba, re a

bitša, moprofeta wa Bantle. O be a se Montle, ka boyena. Eupša o bone lebaka la Bantle, go tloga mathomong go fihla mafelelong; ka hlogong ya gauta, le go felela godimo ka dinaong tša tshipi le letsopa.

⁹ Gomme ge a sa le tlase ka kua, a rera ka pelong ya gagwe gore a ka se itšilafatše yenamong ka dijo tša kgoši, le ka taba ya kgoši.

¹⁰ Gomme seholpha se sengwe sa ngwanešu, se bitšwago Sadirake, Mesaka le Abedinego, ba be ba le tlase fale le bona; e bego e se baprofeta, eupša badumedi. Gomme bona, gape, ba rerile ka pelong ya bona. Gomme ka gona ge badumedi bale ba bane ba etla mmogo, ke tla eleletša ka mehla kudu, ba bile le dikopano tša thapelo mmogo.

¹¹ Go no swana le ge re dira, re tla mmogo ka gore re na le dilo tša go swana. Le a tseba, go na le selokene sa kgale se se rego, “Dinonyana tša lefofa di turupa mmogo,” gomme seo ke, seema sa kgale, a ke re, gomme seo ke selo se sebotse gabotse, le sona. Dinonyana tša lefofa di turupa mmogo. A ga la thabela seo? Kgonthe. Dinonyana tša lefofa di turupa mmogo.

¹² E sego telele go fetile, ke be ke dutše ka kopanong moo go bego go le monna a a ahlaahla se sengwe. Gomme o rile, “Gabotse . . .” o be a bolela ka disoulo tše di ilego kgolegong, di be di le ka kgolegong, tše Jesu o ilego go di rerela, morago ga lehu la Gagwe. Gomme monna yo yoo a bego a bolela, o rile, “Gabotse, o nagana eng ka yona?”

¹³ Gomme ngwanešu wa lekhalate o phagametše godimo. O rile, “Gabotse, seo e no ba se Beibele e se boletšego. ‘O ile le go rerela disoulo tše di bego di le ka kgolegong.’”

O rile, “O nagana e be e le eng?”

¹⁴ O rile, “E be e le ‘Disoulo tše di sa sokologago, ka go pelofaleng, mo matšatšing a Noage, mola areka e sa lokišwa,’ feela boka Beibele e boletše.”

¹⁵ O rile, “Aowa.” O rile, “Yeo ke kereke ye, go rerela batho bale ba Pentecostal bao ba lego ka go dikerekemaina tše le se sengwe le se sengwe, go ba ntšha kgolegong.”

¹⁶ O rile, “Bjale, lebelela mo, ngwanešu,” o rile, “Pentecost ebile e be e se ya bolelwa kua.” O boletše, gore, “O nno bolela, gore, ‘O ile le go rerela disoulo tše di bego di le ka kgolegong.’”

Kafao ke rile, “Amene. Yeo ke nnete.”

¹⁷ Gomme modiredi a lebelela go dikologa go nna, gomme a re, “Dinonyana tša lefofa di turupa mmogo.”

¹⁸ Ke rile, “Yeo ke nnete, banešu ba Tumelo ye bohlokwa ya go swana, go dumela feela se Lengwalo le rego ke Therešo.”

Daniele o bile le bagwera ba bararo bale bao ba bego ba na le yena.

¹⁹ Le a tseba, ke mo go botse, ge o tlogile gae, go hwetša yo mongwe yo a nago le wena, yo mongwe yoo a tla emago hleng le wena, mogwera yo mobotse ka kgonthe. Oo, nna! Ka dinageng tša šele, ge o hwetša yo mongwe yo a nyakago go ba mokgotsi wa gago, gomme a go rata le go ema hleng le wena, seo se swanela bontši kudu; gagolo mosetsebje.

Gomme baena ba ba tšerwe go tlogile toropongkgolo ya bona.

²⁰ Gomme toropokgolo ya bona e be e tšhumilwe. Gomme dibjana tšohle tša bona, le dilo tše kgethwa tša Modimo, di be ba tšeetswe tlase ka Babilonia, gomme di beilwe ka ntlong ya lehumo la Kgoši Nebukadinetsara, yo a bego a ba rwele, ye kgolo, kgoši ye botse ya Montle. Bjale, ge—ge Modimo a dumelše seo, bakeng sa toropokgolo ya bona go tshungwa, kereke ya bona e tšhumilwe, le go ba tšeela tlase ka toropongkgolo, e be e le ka gobane ba be ba tlogile go Modimo.

²¹ Eupša O be a sa ntše a ne modumedi gore O be ka kgona go bea diatla tša Gagwe godimo, le go re, “Yo ke mohlanka wa Ka.”

²² Modimo ka mehla o bile le hlatse, felotsoko. Ga A tsoge a itlogela Yenamong ntle le hlatse. Ga go kgathale, go fihlile tlase nako ye nngwe go yo motee feela, eupša ka mehla O bile le yo mongwe yo A kgonnego go bea diatla tša Gagwe godimo ga gagwe, le go re, “Yo ke mohlanka wa Ka, gomme o tla dira bjalo ka ge Ke mmotša.” Bjale, re rata seo.

²³ Go lemoga nako yeo, gore, ge baena ba ba be ba le tlase fale, ba be ba bewa tekong.

²⁴ Mohlala wo mobotse kudu wa se modumedi wa therešo a tlago go sona ge ka kgonthe a amogela Morena Jesu bjalo ka Mophološi wa gagwe. Ka mehla o bewa tekong. Sathané o sa le ka kgwebong ya go leka. Gomme e tla feela go go thuša. Ke bakeng sa go loka ga gago.

²⁵ “Morwa yo mongwe le yo mongwe yoo a tlago go Modimo o swanetše go lekwa, a kgalwe, a gohlwe,” ka mantšu a mangwe, “a fiwe go phasolwa go gonyane, go mo otlolla. Gomme ge Modimo a re fa tsholo ye nngwe, gomme re ka se kgone go e emela, gona re ba bana ba dihlaba, gomme e sego bana ba Modimo.”

²⁶ Bjale, monna yo ka kgonthe a nago le sefahlego sa gagwe se beilwe go leba Legodimong, ga go kgathale go direga eng mo lefaseng, o sa na le sefahlego sa gagwe se beilwe go leba Legodimong. Bagwera ba gagwe ba ka mo tlogela. Lapa la gagwe le ka mo tlogela. Modisa wa gagwe a ka mo tlogela. Eupša fao go yo Motee yo a ka se mo tlogolego; yoo ke Modimo. Gomme ge o tšere sephetho! Ke rata seo.

²⁷ Daniele o be a tšumile maporogo ohle ka morago ga gagwe. O be a se a beakanya go ya morago, gape. O be a se a šetša mohlala wa gagwe wa morago. O be a lebeletše, go tlogela dilo tše di fetilego. O gateletše godimo go ya go leswao la pitšo ya godimo.

Seo ke se re swanetšego go be re se dira. Seo ke se Kereke e swanetšego go be e se dira.

²⁸ Gomme ge ke lemoga, gona, Modimo o dumelitše Sathane go mo fa moleko. Gomme, oo, ba ba lekile, ka mollo. Ba ile ba ba leka, gape, ka legolo la ditau. Gomme ka nako ye nngwe le ye nngwe, Modimo o ba ntshiditše ntle, go feta mofenyi.

²⁹ “Meleko ya baloki e atile, eupša Modimo o mo phološa go tšwa go yona yohle.” Seo se kgahliša bjang! Re leboga seo bjang. Meleko, ditlaišego, diteko tšohle, tšohle di šomela go loka! Ka morago ga lebakana, Modimo o kgonà go bona nako yeo gore A kgone go Bea tshepo ya Gagwe ka go wena, gomme ka gona O tla go direla dilo tše kgolo.

³⁰ Bjale re hwetša, gona, gore Daniele o bile sedirišwa ka seatleng sa Modimo, ge a be a sa le kgole go tloga go batho ba gabò mong, go tšwa go toropokgolo ya gabò mong, kgole go tloga go kereke ya gabò mong, ka nageng ye šele, Modimo o mo šomišitše.

³¹ Bjale, o ka kgonà go tloga go e ka ba eng o ka bago. O ka kgonà go ba kgole go tloga go baratwa ba gago bohole, goba o ka kgonà go ba kgole go tloga go kereke ya gago, eupša o ka no fela o sa le sedirišwa ka diatleng tša Modimo. Modimo a ka kgonà go go šomišetša bopaki goba eng kapa eng ye A nyakago go go šomišetša yona.

³² Mehlala ye botse! Beibebe e no tlala rwe ka dilo tše, mo gongwe le mo gongwe moo o retologago. A ga le rate go bala Lentšu? Oo, ke no Le bala, nako ye nngwe, le go lla.

³³ Mo matšatši a se makae a go feta, ke be ke bala ka kamoreng kua, gomme ke ile ka no swanela go dula fase le go lla boka lesea. Ke emeletše le go sepela go dikologa setulo sa ka, ka bea seatla sa ka godimo ga setulo sa ka, ka lebelela fase go Beibebe ya ka gape; ka no phatloga. Ke ile go dikologa setulo gape, ka lebelela morago go yona gape. Ke naganne, “O Modimo, ka fale go Bophelo bjo Bosafelego, go monna yo mongwe le yo mongwe goba basadi bao ba ka lekago go Bea tshepo ya bona ka go Lona, le go Le dumela.” Bophelo bjo Bosafelego!

³⁴ Gomme O rile, “Phetlang Mangwalo, ka gore ka go Wona le nagana gore le na le Bophelo bjo Bosafelego, gomme Ke Wona a pakago ka Nna.” Phetlang Lengwalo.

³⁵ “Lentšu la Modimo ke lebone go maoto a rena,” gore re—gore re swanetše go hlahlwa, gona. Ke Seetša se se latelago tsela ye e re etagopele go tloga go phenyo go ya go phenyo.

³⁶ Bjale, pele o ka ba le phenyo, go swanetše go ba le ntwa. Gomme ge go se dintwa, ga go diphenyo. Kafao re swanetše go leboga kudu bakeng sa dintwa le meleko, gomme ke Modimo a re fago sebakabotse go ba le diphenyo. Oo, nna! A seo ga se le dire bokaonana nthathana gannyane bjale? Le a bona? Ntwa e tla

mmogo; yo mongwe a bolela se sengwe se sebe ka wena; bolwetši bo tla godimo ga gago. Mohlomongwe Modimo o go fa ditlaišego tšebo bohwefo, gore A ke a go fodiše le go bontšha kgaogelo ya Gagwe go wena, go go dumelela o bone se A se rago ka yona, O a go rata.

³⁷ Kanegelo ya kgale ya modiši yeo e boletšwego fale ka Jerusalema, ka go dinaga tše kgethwa, ka modiši, a bego a rwele nku—nku. Gomme o rile, “O e rwaletše eng?”

O rile, “E na le leoto le le robegilego.”

O rile, “E dirile seo bjang; e wa godimo legageng?”

O rile, “Aowa. Ke robile leoto la yona.”

³⁸ O rile, “Gobaneng, o modiši yo sehlogo, go roba leoto la nku.”

³⁹ O rile, “Aowa. Ke e ratile.” Gomme o rile, “E be e eya tahlegong, gomme ke be ke sa kgone go e dira go nagana ka nna. Kafao, ke robile leoto la yona, gore ke kgone go e fa šedi ye nngwe ya tlaleletšo, gona e kgone go nthata le go ntatela.”

⁴⁰ Nako ye nngwe, Modimo o swanetše go re dumelela go šwahlamana fase, feela gannyane nthathana, go phelegeng, go re fa šedi ye nnyane ya tlaleletšo, go re iša godimo ga serope sa Gagwe, go re kobakobetsa ka sefegeng sa Gagwe. Ge ngaka a rile ga go selo se ka kgonago go dirwa; gona O re tšeela ka sefegeng sa Gagwe, a re, “Le a bona, ke a le rata. Ke ya go le dira le fole.” Le a bona? Oo, a seo ga se no dira bophelo bokaonana gannyane? Oo, Ke yo mogolo kudu! Ke Modiši yo mobotsebotse. A ga se Yena?

⁴¹ Ga go makatše Dafida o rile, “Morena ke modiši wa ka. Nka se hloke selo.” Gomme ka fao A re hlalhelago ka thoko ga meetse a makhuso; le go bušetša soulo ya bona; gomme o tlatša dikomiki tša rena; gomme—gomme o re tlotša ka bogoneng bja lenaba! A o kile wa hwetša go tlotšwa ka bogoneng bja lenaba la gago? Go no paka go fihla komiki ya gagwe e no bela, le a tseba. Feela go botse bjang go tlotšwa o le ka bogoneng bja lenaba la gago!

⁴² Bjale hlokamelang, gona, Modimo o tsere Kgoši Nebukadinetsara gomme o mo dirile sedirišwa ka seatleng sa Gagwe. Gomme ge Kgoši Nebukadinetsara a hwile, morago ga ge a bile...Bjang bo hlogetše ntle; moriri wa gagwe, boka tau, goba boka mafofa a dintšu; le manala a monwana wa gagwe bjalo ka dinala tša ntšhu, le go ya pele. Gomme Modimo o ile a swanela go mo dira a tsebe Kgoši ya kgontha e be e le Mang.

⁴³ Ka morago ga lehu la gagwe, Belesatsara, setlogolo sa gagwe, o mo latetše. Gomme, ka gona, o be a le yo mobe kudu go feta Kgoši Nebukadinetsara. Gomme bošego bjo bongwe, kua, ba be ba na le phathi ye kgolo. Ba biditše bohole bomagestrata le baofisiri ba bona—ba bona bohole, go monyakalelo wo mogolo. Gomme ge ba be ba sa na le monyakalalo wo, gomme ba be...ile, gomme ba beditše, gomme ba tsere dibjana, dibjana

tše kgethwa tša Modimo; go no dira metlae ka Modimo, le go nwa beine go badimo ba bona, motšokotšo, go tšwa dibjaneng tša Morena.

⁴⁴ Bjale, motho o dumeletšwe go sepela bokgole bjo, eupša go na le mothalo wa go aroganya gare ga Bophelo le lehu. Ga wa swanelo go tsoge wa kgabaganya woo. Le a bona? O ka kgona go ya pele ka bošilo bjo bonnyane bja gago lebakana, eupša bokaone o tsebe mo mothalo o lego. A Morena o kile a go hlahlofa go e ka ba eng? O a dira, rena bohole, go goga ditomo tša temošo, go re “Ke bokgole go lekanelo bjale.” Gona bokaone o hlokomele se o se dirago, go tloga nako yeo go ya pele, ge o gata go kgabaganya go leba mothalo wola.

⁴⁵ Gomme bošegong bjoo, ge Modimo a gogile ditomo tša temošo go yena, gomme a se theetše. A ya pele go theoga le go tliša ntle dibjana tša Morena, go thoma go nwa beine, le motšokotšo go modimo wa bona. Ka gona fao gwa tla seatla fase go tšwa Legodimong, gomme sa ngwala godimo ga leboto, “MENE, MENE, TEKEL, UPHARSIN.” Go ra, “Wena o kadilwe mo sekaleng, gomme wa hwetšwa o hlaetsa.” Ga go yo motee a bego a ka kgona go o hlatholla. E be e le maleme a go se tsebjie.

⁴⁶ Gomme fao go be go le monna fao, o be a na le mpho ya tlhathollo, Daniele, kafao o tla tlase le go hlatholla le go botša kgosi se se tla diregago. Gomme, fao, Modimo o fedisitše setšhaba seo, Babele.

⁴⁷ Mola, Daniele, a le fale, o bone dipono tše kgolo, gomme o ngwadile mabapi le tšona, bakeng sa khomotšo ye kgolo ye re nago le yona lehono, go tsebeng, le go bea ka lenaneo, bofelo bja mmušo wa Bantle.

⁴⁸ Hlokamelang ka fao go phethagetšego. Nno e batamelang kgauswi bjale. O bone, sa pele, seswantšho se eme ka tšhemong, ge a hlatholla toro ya kgoši.

⁴⁹ O be a le monna wa semoya. O lorile ditoro, o bone dipono, a hlatholla ditoro. Modimo o be a na le yena, gomme yo mongwe le yo mongwe o tsebile seo, le yena.

⁵⁰ Gomme ge a bone pono, hlogo ya gauta, le sefega mo sa silibere, le dirope tša mphiri, gomme maoto a tshipi, hlokamelang, mmušo wo mongwe le wo mongwe o bile bothatana gannyane. Mmušo wa Kgoši Nebukadinetsara e be e le hlogo ya gauta. O e hlatholotše, o mmoditše feela tlwa ka fao mebušo yela e tla hlatlamanago mongwe go wo mongwe go fihla bofelong. Ka gona hlokamelang, go tloga go gauta, ke ye boletaleta, silibere ke ya go latela, morago mphiri ke wa go latela, morago tshipi e a latela; bothatana, bothatana, go tonya, go ya kgole!

⁵¹ Hlokamelang, ka gona, ka bogareng bja tšohle tšeо, Daniele o bone seswantšho go fihla Leswika le matlolwa go tšwa thabeng, leo le matlotšwego ntle le diatla. Le ile la tokologela ka go seswantšho le go se šilaganya, le go se dira go swana le korong

seboeng sa selemo, gomme diphefo tša o tšea. "Gomme Leswika la golela go ba thaba ye kgolo ya go khupetša lefase lohle le lewatle." Yeo e be e le go Tla ga Morena Jesu, mo go lego kgauswi bjale.

⁵² O ya pele. Ge a be a le tlase nokeng, letšatši le lengwe, o wetše ka go mantladima gomme o bone pono. Bontši bja bale ba be ba ne yena, ga se ba bone pono, gobane e be e filwe feela go Daniele. Le a e bona?

⁵³ Yo mongwe o kgonago ema thwi kgaušwi le wena, le go bona dilo tše o sa kgonego go di bona, go phološa bophelo bja gago. Yeo ke mnete. Yo mongwe o rile, "Ga ke dumele seo. Ga se nke ka bona selo." Gobane e be e se go wena go e bona.

⁵⁴ Bona bao ba ilego le Paulo, ge Paulo a rathetšwe go tšwa go pere ya gagwe gomme o ile a swanelago wela leroleng; le go ripitlana, bjalo ka ge go bile, godimo ga lerole; ga go le yo motee wa bona a kwelego segalontšu sela goba a bona pono yela. Paulo o E bone.

⁵⁵ Ga go le o tee wa bona a bonego naledi yeo e kgabagantšego... bohlolelo bjo bongwe le bjo bongwe, eupša banna ba bohlale.

⁵⁶ Dilo tše ntši, ka tsela yeo, Modimo o hlaletše batho ba ba itšego go bona, gomme ba bangwe ga ba kgone go bona. Oo, ke rata seo! Ge Modimo, ka go bohlale bja Gagwe bja go hlokamagomo, a kgethetšepele, goba a beetšepele, bakeng sa dilo tše rilego go direga, e ka kgona go direga go motho a dutšego thwi kgaušwi le wena, gomme o ka se tsebe selo ka yona.

⁵⁷ Lebelelang Dothane, ge Eliya a be a le tlase ka Dothane gomme bohole ba be ba dikologilwe fale ka—ka bašele ba ba ttilego ka gare, sešole sa Basiria; ba lebeletše Eliya, mōprofeta. Gobane ge, ba thoma go hwetša, nako le nako Basiria ba tla tla godimo go Israele, go dira ntwa, gobaneng, Baisraele ba be ba tla be ba robetše ka go khukhunetša bakeng sa bona.

⁵⁸ Gomme kafao kgoši ya Siria o ba biditše godimo, o rile, "Bjale, emang motsotso. Ke mang wa rena, gomme ke mang wa Israele?" O rile, "Yo mongwe ka go sehlopha sa ka ke tlhodi, yeo e yago go botša Israele feela moo re tlago ka gare, ka gore ka mehla ba fale ba re emetše."

⁵⁹ Gomme monna yo motee o be a na le semoya se sennyane ka yena. O rile, "Aowa, tate wa ka. Eupša ke mōprofeta Eliya, ka gore o a tseba, ka kamoreng ya gagwe ya malao, se o yago go se dira mosepelo wa gago go latela." Amene.

⁶⁰ Oo, ge maatla a athomo a thoma go šikinyega, ke thabile kudu gore Lentšu la Modimo le re botša moo re yago. Tšabelang go Leswika, Kriste Jesu! Motho yo mongwe le yo mongwe ka go Lona o bolokegile le go šireletšega. Ga go selo se ka go kwešago bohloko. Ga go dipomo tša athomo, ga go dikhopalete, ga go selo

gape, se ka kgwathago go babolokwa ba Modimo; go bolokega, go šireletšega, go kgwaparetšwa. A kholofelo ye botse ye re nago nayo ka go Kriste Jesu!

⁶¹ Hlokamelang, fao go be go le monna le yena. Mohlanka wa gagwe, mošemane wa semoya, o sepetše gomme a tšhela meetse godimo ga diatla tša moperfeta, maemo a magolo a bego a na le wona. Eupša ge a bone se—se sešole sa Basiria gohle go dikologa Dothane, o bile le yona e dikaneditšwe yohle, o rile, “Tate wa ka, lebelela ntle fale! A palo ye kgolo! Gobaneng, re dikaneditšwe!”

⁶² Bjale, yeo ke tlhago, ge se sengwe le se sengwe se bonala se fosagötše; ba šupile monwana wa bona go wena, ba bolela *se le sela*; gomme ngaka o re o ka se fole, le go ya pele. Seo e no ba selo sa tlhago, go wena go nagana, “Oo, nna, bjo ke bofelo!”

⁶³ Eupša Eliya o rile, “Go na le ba bantši le renna go feta ba na le bona.”

⁶⁴ Bjale le ka eleletša ka fao moperfeta yola, goba Gehasi yola a ikwetšego, mohlanka. O lebeletše godimo go yena. O rile, “Gobaneng, ga ke bone motho.”

O rile, “Modimo, bula mahlo a mošemane yo.”

⁶⁵ Gomme ka pela ge Modimo a dirile se sengwe! Še yona. Le a e hwetša. Ge Modimo a butše go bona ga gagwe ga semoya; gohle go dikologa fale, moperfeta, go eme dikoloi tša Mollo le Barongwa ba Mollo. Gobaneng, o bone . . . Gobaneng, dikoloi tša Mollo di fetwa ke masole ale a Basiria, ka diketekete. Dithaba di be di le godimo ga Mollo; Barongwa ba Mollo, dipere tša Mollo, dikoloi tša Mollo.

⁶⁶ Gomme Beibele e rile, “Barongwa ba Modimo ba bokanetše bale ba Mmoifago.”

⁶⁷ Go no swana bošegong bjo! Ke a makala go tla direga eng ge monna fa, bošegong bjo, o bile le maatla go ratha go kgabaganya mahlo a gago, le go re, “Lebelela, go eme go dikologa tabarenenekele ye bošegong bjo!” O tla ba moleloko fa bophelo bja gago ka moka. Kgonthe. Ee, mohlomphegi.

⁶⁸ Dinako tše dingwe o ka se kgone go Le bona ka mahlo a gago a tlhago, eupša o ka kgona go kwa mororomelo wa Lona, Se sengwe kgauswi. Sekwi sa boselela seo se bolelago gore Selo se sengwe se kgauswi.

⁶⁹ Mo šetšeng, mosong wo, a bula ditsebe tša difoa, a dira digole go sepela tikologong fa, boka go be go se selo sa phošo ka bona. Ke eng? Ke sekwi sa ka gare. Ke ra, sekwi, sekwi sa boselela se se lemogago, moyo, gore Sengwe se kgauswi. Eba le tumelo ka go Modimo!

⁷⁰ Bjale, ga se ba ke, ga se a ke a bona Seo, pele. Eupša, Eliya go molaleng ga se a Le bona, eupša o kgopetše mahlo a mošemane go Le bona. Eupša Elisa o be a lemoga gore Ba be ba le fao. Amene.

Tomase, nako ye nngwe, o rile, “A nke ke bee diatla tša ka lehlakoreng la Gagwe.”

⁷¹ Jesu o rile, “Bjale o a bona le go dumela. Moputso wa bona ke wo mogolo gakaakang ba ba sego ba bona le bjale, gomme efela ba dumela.” Bao ke rena bosegong bjo, go e ka ba mang a tla dumelago, ntle le go bona.

⁷² Gomme hlokamelang. Nako yeo Eliya o sepeletše ntle fale moo seemo se se bego se le, gomme o rile go bona . . . Sa pele, o ile ntle kua, gomme Beibele e rile, “O ba rathile gore ba foufale.” Go foufala; le go sepelela thwi ntle go bona. Yo mongwe le yo mongwe o be a ne pono ya mahlo a go phethagala, bokgole bjo ke tsebago. Eupša Lengwalo le rile, “Ba be ba foufetše.”

⁷³ Moisa yo monnyane, mašego a se makae a go feta, o rile go nna, “Ge o le monna wa Modimo, ntie ke foufale.”

Ke rile, “O šetše o foufetše.” Le a bona? Le a bona? O šetše o foufetše!

⁷⁴ Hlokamelang. Gomme o sepeletše ntle fale, go moo seemo se segolo se se bilego, selo se segolo se se bile. Gomme o rile, “A la nyaka Eliya?”

Ba rile, “Ee.”

⁷⁵ O rile, “Etlang, ntateleng. Ke tla le iša thwi go yena.” Eliya o e boletše go bona. Ba be ba foufetše ka eng? Ba be ba foufetše go ntlha ya gore yola o be a le moprofeta wa Modimo. Ba be ba foufetše go yona. Gomme o ile a ba hlahlela thwi go otologa go theogela ka go khukhunetšwa, gape. O rile, “Etlang, ke tla le bontšha Eliya,” gomme e be e le Eliya a ba iša tlase kua.

⁷⁶ Gomme ge ba lebeletše go dikologa, gomme ba hweditše gore ba be ba dikologilwe, go dikologa. Kgoši o rile, “Tate wa ka, a ke swanetše go ba bolaya?”

⁷⁷ O rile, “A o ka tšea mogolegwā go mmolaya?” O rile, “Ba fe se sengwe go ja, gomme o ba romele morago nageng ya bona.”

⁷⁸ Yeo ke tsela ya go fetša dintwa. A ga se nnete? Nnete. Oo, nna! Ge feela re ka no bea kokwane yeo, lehono, go fepa lenaba la gago. “Dira botse go bao ba dirago bobe go wena.” Amene.

⁷⁹ Fao, bjale, bofouf.

⁸⁰ Bjale, Eliya, goba ke ra, e sego Eliya bjale, eupša Daniele: Daniele o bonepele; o be a le moprofeta; o bone go tla ga Morena; o bone nako ya bofelo e etla; o bone Bantle ba thoma.

⁸¹ Gomme ge le ka hlokomela, Bantle ba thomile ka bo-bo borapedi bja modimo wa go betlwa. Ba be ba rapela moidingwana yo mogolo a dutše ntle molaleng, moidingwana wa motho: ke a dumela, Daniele, yenamong. Gobane, Kgoši Nebukadinetsara o mmiditše “Belesatsara,” e bego e le modimo wa gagwe, gomme a thoma go rapela seswantšho sa wa toko, monna yo mokgethwa.

Gomme Daniele o ganne go e dira; go bjalo le—le bana ba Bahebere, Sadirake, Mesaka, le Abedinego.

⁸² Ke ka tsela yeo e ilego ya tsenywa. Gomme e ile ya ahlolwa; hlogo yela ya gauta e tsentšwe ke bodiredi bja seswantšho, e gapeleditšwe go yona, gomme ya felela ka Seatleng sa kagodimogathago se ngwala leleme la kagodimogatlhago, kwešišo yela e nnoši ya kagodimogatlhago e tla e kwešiša. Amene.

⁸³ Yeo ke tsela ye mmuso wa Bantle o tsentšego, gomme o tla tšwa ka tsela ya go swana, yeo ke nnete, ka mediro ya kagodimogatlhago, tlathollo ya kagodimogatlhago. Le tseba se ke bolelago ka sona. Go šoma ga sa kagodimogatlhago, oo, go botse bjang! A ga la thaba, bošegong bjo, le dumela go tša kagodimogatlhago? Ee.

⁸⁴ Bjale, gona, ka morago ga dipono tše, O mmontšhitše feela moo ditšhaba di tla bego di eme. O mmontšhitše ka fao gore go be go le mengwaga ye mentši kudu e itshamile go Bajuda. O rile, “Mesia o tla tla. O tla profeta mo dibekeng tše masomešupa, e lego mengwaga ye meraro le seripa. Ka bogareng bja yona, O tla ripša, e lego mengwaga ye šupago. Dibeke tše masomešupa di beetšwe batho ba geno; mengwaga ye šupago ya seprofeto go Bajuda.” O rile, “Gomme Mesia, Mokgoma, o tla tla le go profeta, mo bogareng bja dibeke tše šupago, matšatši a šupago, O tla ripša. Ka go makgapa, go dira tshenyo, a tla ema ka lefelong la Yona. Gomme ba tla gatakela maboto a Jerusalema, Bantle, bakeng sa nako, nako, le seripa sa nako.”

⁸⁵ Bjale, ge Mesia a etla, Jesu, O rerile tlwa mengwaga ye meraro le seripa, gomme a ripša, bakeng sa Sehlabelo. Sehlabelo sa tšatši ka tšatši se tlošitšwe. Gomme tšhwatalalano, makgapa a a dirago tšhwatalanyo, moslem wa Omar, o be o eme lehono ka lefelong la tempele ye kgethwa. Mosque wa Omar o eme tlwa moo tempele e emego.

⁸⁶ Gomme o boletše, gore, “Ba tla gatakela maboto a Jerusalema, godimo ga Jerusalema, go fihla lebaka la Bantle le tla be le fedile. Eupša, bofelong bja Bantle, go tla be go sa le mengwaga ye meraro le seripa, efela, go Bajuda.”

⁸⁷ Bjale hlokamelang ye nngwe ya dilo tša go ratha kudu tša histori ya seprofeto.

⁸⁸ Ga ke tteleime go tseba seprofeto sa Beibe. Eupša se se swana le go bala kuranta; pepeneneng kudu. Gomme, se re se balago Mo, re a tseba ke Therešo.

⁸⁹ Hlokamelang, dikete tše pedi, ya, mengwaga ye makgolo a masomepedi tlhano, Bajuda ba be ba šwalalantšwe go setšhaba se sengwe le se sengwe ka tlase ga Legodimo. Bjalo ka ge Modimo a thatafaditše pelo ya Farao, a ba tliša morago; O thatafaditše pelo ya Hitler, pelo ya Mussolini, le go ya pele, go fihla A ba gapela morago ka Palestina. Go tleng morago,

ba ba dirile setšhaba gape. Gomme ka la tshela Mei, 1947 folaga ya Bajuda e phagamišeditšwe godimo ga Israele, lekga la mathomo lebaka la mengwaga ye makgolo a masomepedi tlhano. Folaga ya kgalekgale lefaseng e tsošitšwe lekga la mathomo mo mengwageng ye makgolo a masomepedi tlhano. Gomme O rile, mo matšatšing a mafelelo, “O tla tsoša taetšo godimo ga Jerusalema,” go bontšha gore nako e batametše.

⁹⁰ Gomme hlokamelang, fa e se kgale botelele, ke bone lebile la seprofeto le bapalwa go tloga godimo fale. Gomme ba tliša Bajuda bale ka gare, ka dikete, ka difofane. Le e bone ka pampiring, le go ya pele. Dikgatišobaka tša *Look* le *Life* di be di e rwele. Bajuda ba dikete ba boela! Gomme ba ba botšišitše, ba rile, “Le boela bakeng sa eng?” Ba kgale, batho ba digole, ba ba rwele magetleng a bona, ba baswa ba bona ba be ba le. O rile, “A le bowa morago go nagalegae go hwa?”

O rile, “Aowa. Re tla morago go bona Mesia.”

⁹¹ Jesu o rile, “Ge le bona mohlare wa mogo o khukhuša, le mehlare yohle ye mengwe e hloga mahlogedi a yona, tsebang gore nako e kgauswi, goba seruthwana se kgauswi, selemo. Kafao, ge le bona dilo tše di etla go phethega, phagamišang dihlogo tša lena, lena le topollo e batamela kgauswi.”

⁹² Bošegong bjo, bjalo ka ge lefase le farafarilwe ka bokomonisi! Oo, ke be ke bolela le monna lebakana la go feta, ka...yo motee wa balaodi ba bakaonekaone kudu, ke a dumela, ba ke tsebago ka bona. Gomme ge a boletše dilo mabapi le setšhaba se, le bokomonisi, go tla go šišinyetša matolong a gago, thwi, ka fao go lego mahlagahlaga. Ga go sa na le selo sa go tia gape, ebile e sego nageng ya rena beng, le gatee.

⁹³ Go na le selo se tee feela sa go tia seo ke tsebago se tla ema, seo ke Leswika, Jesu Kriste. Re amogela mmušo woo o ka se šikinywego. Gomme ka go letšatši le ge se sengwe le se sengwe gape se ewa, re na le motheo wa go kgwahla, Morena Jesu Kriste. Etlang ka go Lona, bagwera. Ke tshireletšo ka go nako ya ledimo. A selo sa bothakga!

O bone sohle se se etla go phethega.

⁹⁴ Re bona Bajuda bjale. Beibele e boletše gore Jerusalema, gomme e tla khukhuša bjalo ka rosa. Le ka fao ba nošeditšego naga yela! Gomme gape ba... Moprefeta o boletše, gomme o rile, “Letšatši leo,” gore, “meetse a tla tla go tšwa leboa.” Go be go se meetse fao nako yeo, go se didiba fao nako yeo. Eupša ka go mengwaga e se mekae ya go feta, go na le senthulwane se tlago godimo, gomme se nošetša meedi. Gomme ba a nošetša; ke le lengwe la mafelo a tša temo le legologolo kudu, bakeng sa bogolo bja lona, ka lefaseng.

⁹⁵ Le dikhemikhale tšohle tše kgolo tše thwi ka go Lewatle la go Hwa. Go na le dikhemikhale tša go lekanelo di hwetšwago ka tlase ga lona, tšeо lehumo lohle la lefase le sa kgonego go e reka;

dikhemikhale, uraniamo le se sengwe le se sengwe gape, thwi ka tlase ga Lewatle la go Hwa, le bjale e lego la Israele.

⁹⁶ “Mohlare wa mogo o a khukhuša.” E sego feela seo, eupša mehlare ye mengwe e hloga mahlogedi a yona. Makomonisi a tšweletša mahlogedi. Molwalekriste o tšweletša mahlogedi.

⁹⁷ Gomme Kereke ya Modimo e tšweletša mahlogedi. O khukhuša ntle ka maatleng a Gagwe gape. Mogokong o jele karolo ya wona, bojane bo ja karolo ya wona, seboko se ja karolo ya wona, phatakalala e jele karolo ya wona, eupša Modimo o rile, “O tla phela gape.” O bea mahlogedi bjale.

⁹⁸ Mehlare e hloga mahlogedi. Daniele o e bonetšepele, gomme o hlaletše. Bjale, ka nako ye, o rile, “Gomme ka nako yeo . . .” Tema ya 12.

Gomme ka nako yeo Mikaele o tla emeleta, mokgoma yo mogolo yo a emelago bana ba batho ba geno: gomme go tla ba le nako ya bothata, yeo e sa nkago ya ke . . . ge e sa le go bile setšhaba ebile go seo . . . nako: gomme ka nako yeo batho ba geno ba tla phološwa, yo mongwe le yo mongwe yo a tlago go hwetša a ngwadilwe ka pukung.

⁹⁹ Oo, nna! A ga wa thaba leina la gago le godimo ga Puku ya Gagwe? Ge yena, Daniele, godimo fa, o Mmone, “A etla go Motala wa matšatši, moriri wa Gagwe o be o le wo mošweu bjalo ka boyo. Gomme O butše Dipuku. Gomme ba ahlotšwe, motho yo mongwe le yo mongwe, go tšwa Dipukung,” Terone ye kgolo ye Tšhweu ya Kahlo.

¹⁰⁰ Bjale, Daniele o filwe tiišetšo ye mo bofelong bja lebaka la Bantle. Balang . . . ge le eya gae, gomme gosasa, balang tema ya 11. Le tla kgona go bona ka fao kgosi ya leboa e tlago tlase, e sego selo gape eupša Russia, e etla fase go gatelela kgahlanong le yona, bjalo ka sesasedi. Gomme Ntwa ye kgolo ya Haramagedone e tla lwewa thwi fale kgauswi le dikgoro tša Jerusalema. Hlokomelang. Oo, ke rata se!

. . . gomme ka nako yeo batho ba geno ba tla phološwa, yo mongwe le yo mongwe yo a hwetšwago a ngwadilwe ka pukung, puku ya Kwana ya bophelo.

¹⁰¹ “Mikaele, mokgoma yo mogolo, o tla emeleta” (eng?) “bakeng sa batho ba geno.” Go lokile.

Gomme ba bantsi ba bona ba ba robetšego ka leroleng la lefase ba tla tsoga (neng?) ge dinako tše di direga, gomme ba bangwe go bophelo bjo bosafelego, gomme ba bangwe go dilihlong le go nyatšega ka gosafelego.

¹⁰² Feel a ka kgonthe bjalo ka ge go na le Bophelo bjo bo sa felego, go na le go sepela ga go sa felego. E beakanya godimo ka fao o swarago Jesu Kriste ka bophelong bja gago. Ge o Mo rata, le go tswalwa gape, le go hwetša Moya wa Gagwe, o na le Bophelo bjo bosafelego. Ge o sa dire, ga o ne Bophelo bjo

bosafelego. Ge leina la gago le ngwadilwe godimo ga Puku ya Kwana ya Bophelo, o na le Bophelo bjo bo sa hwego. Ge le se la ngwalwa Fao, o ka se lemogwe.

¹⁰³ Ke eng? Diprofeto tšela tšohle di phethagaditšwe; se sengwe le se sengwe, thwi go theoga go nako ye.

¹⁰⁴ Hlogo ya gauta e fetile, bjalo ka ge Daniele a rile e tla dira, mmušo wa Babilonia.

¹⁰⁵ Go hlatlameng wola, o rile, e tla ba Bameda le Baperesia. Ba hlatlamme mmušo wa Babilonia.

¹⁰⁶ Gomme ba wela, go (mang?) Bagerike, Alexander the Great.

¹⁰⁷ Gomme ba wela, go (eng?) Baroma. Gomme Baroma ba kgaogane, go lefase lohle, Roma ya bohlabela le bodikela, maoto a mabedi.

¹⁰⁸ Gomme o rile tshipi le letsopa di be di le godimo ga menwana, menwana ye lesome, mebušo ye lesome, gomme o rile ba ka se hlakane, gomme ba tswakana magareng ga bona seng, Boroma le Boprotesetant.

¹⁰⁹ “Gomme ka letšatšing leo,” ge selo se se phela, “gona Leswika le matlotšwe go tšwa thabeng, ntle le diatla, le go pshikologela ka gare le go pšhatlaganya selo diripana.” Gomme Le tšere legato la seswantšho.

¹¹⁰ Kafao, baena ba ka, re na le mathata, bošegong bjo. “Dintwa, mabarebare a dintwa; ditšhišinyego tša lefase mafelong a go fapano; tlabege ya nako, tlalelo magareng ga ditšhaba.” Ke sa tšwa go bowa morago go tšwa mošwamawatle, gomme ga se ka bona setšhaba eupša se se thothomelago ka dieteng tša bona. Ga ba tsebe se se yago go direga go latela.

¹¹¹ Eupša a ga re leboge, bošegong bjo, gore re tseba se se yago go direga go latela! Morena Jesu Kriste o tla tla lekga la bobedi, ka letago le borena! Gomme monna yo mongwe le yo mongwe goba mosadi yo a hwetšwago a ngwadilwe ka Pukung ya Kwana ya Bophelo, o tla tsoga le baratwa ba bona, go kopana le Morena sebakabakeng. Oo, a selo se sebotsebotse! Ke ka lebaka leo re rego:

Kholofelo ya rena ga se ya agiwa godimo ga
 selo ntle le
Go feta Madi a Jesu le toko;
Gohle go dikologa soulo ya ka go fa tsela,
Yena ke kholofelo yohle ya rena le go dula.

¹¹² “Gomme ka nako yeo, Mikaele o tla ema, mokgoma yo mogolo.” Mikaele e be e le Kriste, ka nnete, Yo a lwelego dintwa tša Barongwa Legodimong, le diabolo. Sathane le Mikaele ba lwele mmogo, goba ba lwele kgahlanong le bona seng, a ke re.

¹¹³ Gomme, bjale, “Gomme ka nako yeo,” o rile, “ba bantši ba hweditšwego ba ngwadilwe ka Pukung ba ile ba phološwa. Gomme bao ba dirilego go loka . . .” Hlokomelang se.

Gomme bao—gomme bao ba lego bohlale ba tla phadima bjalo ka phadimo ya leratadima; le bjalo ka... gomme bao ba retolletšego kgole ba bantši go lokeng bjalo ka dinaledi go ya go ile...

¹¹⁴ Ke lebelela seo, nako ye nngwe, gomme ke a nagana, baena. Ke ya ka ntle, ka moso. Ke rata go tsoga ka leselaphutiana. A ga le rate go tsoga ka leselaphutiana?

¹¹⁵ Ke elelwa ge baena le nna re be re le ka dithabeng. Ka leselaphutiana ka kgonthe mo mosong, e ka ba ka iri ya bone, re tla tsoga. Lebelelang, go lekeletše morago kua, gomme fao go be go le naledi ya moso. Go ba leswiswi ka kgonthe feela pele ga go hlaba ga letšatši.

¹¹⁶ Re bona leswiswi le kgobokana bjale. Ke eng? Ke Seetša se pinyeletša kgahlanong le leswiswi. Se tee se swanetše go fa tsela.

¹¹⁷ Dilo tšohle tša go gagaba tše di bego di kitima go kgabola bošego, ge letšatši lela le etla godimo, di tšeа boširelo ge seetša se phadima. Bošego le leswiswi... Bošego le seetša di ka se kgone go ba ka moagong wa go swana. E ka ba gore ke leswiswi goba ke seetša. Gomme seetša se maatla kudu go feta leswiswi.

¹¹⁸ Kafao Kriste o maatla kudu go feta manaba ohle a lefase.

¹¹⁹ Bjale, re rutwa ke borasaense; ge seetša se thoma go tla, se kotofatša leswiswi. Gomme leswiswi le kgobelā madira ohle a lona mmogo, go lwa kgahlanong le seetša, eupša seetša se a fenya gomme sa tla pele.

¹²⁰ Gomme Beibele e boletše, ka matšatsing a mafelelo, gore, "Sathane o tla ya go dikologa boka tau ye e rorago." O a kgobokanya, lehono, manaba a gagwe ohle, bagwera ba gagwe bohle, manaba a rena, le go ba phutha mmogo; a ba hlatlaganya ka tlase ga hlogo ye kgolo, leswao la sebata, ka go dikgao tša kereke, mohlakanelwa wa dikereke. Bohle ba kopana le go itirela ka bobona mokgatlo wo mogolo, go swana le Bokatoliki.

¹²¹ Gomme mebušo ya lefase e ikopanya ka boyona mmogo, gomme e bopega godimo hlogo ye kgolo godimo kua, ka go dikgao tša dipolitiki, di bišwago bokomonisi.

¹²² Gomme Seetša sa Modimo se pinyeletša go ya pele. Go direga eng ka go nako ya go swana, go e dira: Kereke ya Bokriste, Kereke ya Modimo yo a phelago, e a tlotšwa; maatla a tla go Yena, O amogela Moya wo Mokgethwa.

¹²³ Ngwaga wa go feta, ka go dikgao tša Ebangedi ya go tlala, e be e le milione dikete tše makgolotlhano tša basokologi. Ye kgolokgolo e swietše naga lebaka la mengwaga ka morago ga mengwaga. Ga re sa le ka mokgobeng gape. Re godimo ka mmileng wa haleluya. Ga re sa le ka go mpharagatšane, gape. Milione o tee basokologi ba dikete tše makgolotlhano ka maemong a Ebangedi ya go tlala, ngwaga wa go feta, e latetše Bokatoliki le se sengwe le se sengwe gape. Oo, nna!

¹²⁴ Ke eng yona? Seetša se a kgobokana. Ditirelo tše kgolo tša phodišo di thethile le legohle. Haleluya! Tsela ka go, tlase ka Formosa, masolo a phodišo a ya pele. Tlasetlase ka Japane, masolo a phodišo a ya pele. Godimo ka go mafelo a go kgahla a leboa, masolo a phodišo a tšwelapele. Go dikologa lefase, masolo a phodišo! Haleluya! Banna ba amogela Moya wo Mokgethwa, wa mogohle. Re mo nakong ya bofelo.

¹²⁵ E dira eng? Gona diabolo o re, “Bjale ke nako ya ka.” O phutha maatla a gagwe. Mohlakanelwa wa dikereke o leka go e emiša, o re, “Ga se bona selo eupša sehlopha sa mapokisi a lešata. Ga go selo go bona. Yohle ke bohlanya. Ga go selo se sebjalo bjalo ka go šoma ka go sa Kagodimogatlhago.”

¹²⁶ Gomme ka nako ya go swana, hlogo ya Amerika . . . mokgatlo wa tša kalafo o ngwala seripana ka pampiring, o rile, “Ga go motho yo a nago le tokelo ya go tla ka kamoreng ya balwetši, go direla batho, ba ba sa dumelego go Ramaatlakamoka Modimo le go Mo amogela bjalo ka Mothuši wa gagwe.” *The Christian Herald*, e botšišolla dingaka kgwedi ya go feta, e file dingwalwa tšeо nka se kgone go di ngwala, nnamong, ge ke be ke leka go ikgantšha ka yona. Ke eng? Ka bogareng bja se sengwe le se sengwe, Modimo o tla dira manaba a Gagwe go paka go letago la Gagwe. Ee, mohlomphegi. Ngaka o rile, “Re ka kgona feela go fa dithušo, eupša Modimo ke mofodiši.”

Ke rile, “Bona banna ba bagolo ba no hwetša ntle se rena sehlopha sa bahlokatzsebo re se tsebilego nako yohle.” Yeo ke nnete.

¹²⁷ A mangwe a matšatši a a letago, le tla hwetša gore sehlopha se sa Maatla, se se fetošetšago diotswa go bahumagadi, le matagwa go bakgomana le Bakriste, ke wona Maatla ao a tla ba phagamišetšago ka ntle ga lefase le le go ba tšeela Gae ka Tlhatlogong, go ya Letagong. Go ka no ba thari kudu; go ka no ba thari kudu go ba bantši.

¹²⁸ “Ka letšatši leo, Mikaele o tla emela batho.” Ga se a emela ditšhaba. O emetše batho. “Gomme ba bantši ba bao ba robetšego ka leroleng la lefase, ba bangwe ba tla tsogela go dihlong tša gosafelego le go nyatšega. Eupša bao ba lego bohlale le go retollela ba bantši go toko, ba tla phadima bjalo ka dinaledi go ya go ile le go ya go ile.” Haleluya!

Tente goba khotetše, gobaneng ke swanetše go
tshwenyega?

Ba nkagela paleisi godimo Kua! (Etlang
godimo go mpona letšatši le lengwe!)

¹²⁹ Ke eng? Ke sepeletše ntle le go lebelela go naledi ye kgolo yela ya moso, ge a thoma go sepelela mošola. Na naledi ya moso e reng? Naledi ya moso e bonagatša feela seetša sa godimo sa letšatši se se tlago. A yeo ke nnete? Naledi ya moso, lebaka e phadimago (le a tseba gobaneng e le?), letšatši le kgauswi kudu

le yona. Ke go gatelela pele. Gomme naledi ya moso e dumediša go tla ga letšatši.

¹³⁰ Go lokile, lena dinaledi tša moso, ke nako go ya go Mo dumediša a etla! Phadimang, Dinaledi tša moso! Tsogang ka leselaphutiana! E re, “Morwa ka pela o tla ba mo!”

¹³¹ Ge re lebelela le go bona naledi yela ya moso, ge e phadima lefaufaung, go ra gore letšatši le tla hlabi gabotse ka pela.

¹³² Gomme ge re bona Dinaledi tša moso tša Modimo, di tsoga le go phadima go letago la tsogo ya Jesu Kriste, go bontšha gore Ÿena yola wa godimo o gatelela go ya pele. Dietša di a kgobokana, eupša Naledi ya moso e a goeletša, “Swarelela! Ga se botelele go fihla seetša sa letšatši.” Swarelela! Ga se botelele go fihla seetša sa letšatši. E no tšwelapele o swareletše. Bjalo ka ge Kgaetšedi Murphy le bona ba be ba tlwaetše go opela, “E no tšwelangpele le swareletše; seetša sa letšatši ka pela se a tla.” Swarelela go yona! Dinaledi tša moso di phadima go lefase bjale, di bonega lefase, feela pele ga leswiswi le legolo, le modumo wo mogolo go tšwa Legodimong, go Tla ga Morena.

Theetšang sekgauswi bjale. Bjale o rile . . .

¹³³ Ke lebeletše naledi ya moso, gomme ke naganne, “Oo, naledi ya moso!” Ke lebeletše fase . . .

¹³⁴ Letšatši le lengwe, ke eme godimo kua, Ngwanešu Wood le nna. O be a sa tšwa go hwetša mollo o thomile, gomme re be re eya go hwetša difihlolo. Gomme ke retologile le go lebelela naledi ya moso. Ke sepeletše ntle kua ka go tšona dikgwa tša mosetara; gomme diphefo di sevana go kgabola mephaene. Ke eme kua. Ke ikwetše gabotse, go hema wola wo mobotse, moyo wa moso wo moswa; gomme o mokgwa wa go ba le lehlwa, wa go ba le lehlwa. Eya tlase nokaneng, hwetša kgamelo ya meetse, a gatsela pele o fihla godimo.

¹³⁵ Ke be ke eme godimo kua, ke phagamišetša diatla tša ka godimo, ntle kua ka go mephaeneng yela. Ke lebeletše naledi ya moso. Ke naganne, “Oo, lebelela fa, se mengwaga ye masomenne tlhano e ntiretšego.” Ke rile, “Oo, lebelela fa. Ke a šošobana. Diatla tša ka di a šošobana; moriri o ngwegela ntle; meno a sepela. Oo, a mengwaga ye masomenne tlhano e ntiretšego! Eupša,” ke rile, “lebelela mošola, naledi yela ya moso e no ba ye botse le go phadima bjalo ka ge e bile letšatši leo Modimo, ‘fše,’ a e budula go tloga diatleng tša Gagwe, gomme a rile, ‘A e phadime!’”

¹³⁶ Ka gona ka gopola ka Lengwalo le. Ke rile, “Eupša Modimo o tshepišitše, ge re ka ba bohlale le go retollela ba bantši go toko, re tla phala dinaledi go ya go ile.”

¹³⁷ Ke naganne, “Naledi ya moso, o a phadima bjale, eupša leta go fihla re fihla Kua! Haleluya! ‘Phadima go phala dinaledi go ya go ile!’”

¹³⁸ Gomme ke kgonne go kwa phefo yela e etla go theoga thaba, feela e ka ba go hlab a ga letšatši, e hwenahwena go kgabola mephaene yela, e re:

Go ne Naga mošola wa noka,
Yeo re e bitšago bose go ya go ile,
Gomme re fihla feela lebopong lela ka leemo la
tumelo;
Ka o tee ka tee re rue kgoro,
Kua go dula le go se hwe,
Ge ba leletša dipele tše o tša gauta wena le nna.

¹³⁹ A selo se segolo! “Bao ba lego bohlale ba tla retollela ba bantši go toko, gomme ba tla phadima go phala dinaledi go ya go ile le go ya go ile.”

¹⁴⁰ Kafao e dira phapano efe, go le bjalo? Sekgao se sennyane se sa kgale se mo? Lerole le lennyane le la kgale la lefase, seboko sa go hloka mokokotlo, wo monnyane wa kgale wa go hwa mmele wo o swanetšego go senyega le go ya morago leroleng, gomme diboko tša letlalo di tla o ja! Oo, nna! A nke ke tsoge le tšohle tše o di lego ka go nna, gomme ke phadime bakeng sa letago la Modimo! Beela thoko boima bjo bongwe le bjo bongwe, gore Moya wo Mokgethw a o kgone go fetišetša maatla a Gagwe le letago, ka ther o Ebangedi le phodišo ya balwetši, go hlatsela Jesu Kriste o tsogile go tšwa bahung. Oo, nna!

...neng le neng le neng.

Eupša wena, ... Daniele, tswalela mantšu, gomme o tswalele puku, ebile go ya go nako ya bofelo: ka gore ba bantši ba tla kitimela pele le morago, gomme tsebo e tla ata.

Ka gona nna Daniele ka lebelela gomme ka lebelela, gomme, bonang, fao go be go eme ba bangwe ba babedi, yo motee ka lehlakoreng le la leši la noka, gomme yo motee ka go le lengwe ... lehlakore la leši la noka.

Gomme yena o rile go monna yo a aperego leukodi (Moya wo Mokgethw a), *yo a bego a le godimo ga meetse* (batho le mašaba) ...

¹⁴¹ Moya wo Mokgethw a godimo ga batho! Oo! Haleluya! Moya wo Mokgethw a!

¹⁴² Kutollo: 15, :16, e bolela gore leswethe le mašaba ... *meetse* a ra “leswethe le lešaba la batho.”

¹⁴³ “Gomme šo Yena ka lešela le lešweu, a itsošetša godimo le fase Yenamong, godimo ga meetse, ka seatla sa Gagwe godimo go ya Legodimong, a ena ka Yena yo a phelago go ya go ile le go ya go ile, ‘Ge dilo tše di direga, nako e ka se sa ba gona gape!’” Haleluya!

¹⁴⁴ “Nako e ka se sa ba gona!” O anne gore, ge re bone ditšhaba tše di šwalalana, le dilo di direga ka mokgwa wola, “Sephiri sa Modimo se šetše se phethagaditšwe.”

¹⁴⁵ Ke eng, “Sephiri sa Modimo”? “Modimo ka go wena, kholofelo ya Letago,” e phadima pele, kolobetšo ya Moya wo Mokgethwa!

¹⁴⁶ Ka gona O rile, “Ge dilo tše di direga, nako e ka se sa ba gona.”

¹⁴⁷ “Bao ba tsebago Modimo wa bona,” go boletše Daniele. “Ka matšatšing a mafelelo, ba bantsi ba tla kitimela pele le morago, tsebo e tla ata. Eupša bao ba tsebago Modimo wa bona ba tla dira tše kgolo ka matšatšing a mafelelo.”

¹⁴⁸ “Ba tla dira tše kgolo.” Oo, mothuthupo wa tumelo o a phatloga, go dikologa lefase, bošegong bjo, gape le gape. Gohlegohle ditšhaba, masolo a magolo! Difofu di a bona. Difo di a kwa. Dihlotša di a sepela. Batho ba mesepelo yohle ya bophelo ba tla ka gare. Ba amogela Moya wo Mokgethwa; e sego feela modiidi le mokgopedi, eupša radimilione le se sengwe le se sengwe gape. Modimo o tšeа le go bea kobo ya Gagwe godimo ga yo mongwe le yo mongwe, le go ba fa taletšo go Selalelo sa Monyanya.

¹⁴⁹ Gomme Moprista Mogolo yo mogolo, Melekitsedeke, o tla tla letšatši le lengwe. Gomme re tla ja selalelo, ka boswa, le Yena, ka Mmušong wa Modimo, le lengwe la a magolo a, matšatši a letago! Oo, ke thabile kudu, bošegong bjo, go ba ka Mmušong wa Gagwe! Ee, mohlomphegi. Letšatši le lengwe le legolo, letšatši le lengwe le lebotsebotse, “Nako e ka se sa ba gona!”

¹⁵⁰ Le a bona, re tšwa go Bokagosafelego. Re bile, pele go eba lefase. A le be le tseba seo? Modimo o dirile motho ka seswantšho sa Gagwe Mong.

¹⁵¹ “O be o le kae,” O rile go Jobo, ge Jobo a naganne o be a ne bohlale tsoko. O rile, “O be o le kae ge ke bea motheo wa lefase, pele ke o bea, ge barwa ba Modimo ba opela mmogo gomme dinaledi tša moso di goeletša ka lethabo?”

¹⁵² “Dinaledi tša moso di goeletše ka lethabo.” Bona ba ba phadimago ba goeletše ka lethabo, ge ba bone gore letšatši le lengwe ba be ba tabareneketšwe mo lefaseng. Gomme Kgosi, Melekitsedeke, o tla tla ka tokong ya Modimo, le go fa bophelo bja Gagwe, go re lopollela go Modimo, morago gape, le go phala dinaledi go ya go ile le go ya ile.

¹⁵³ “O be o le kae ge Ke bea motheo wa lefase? Bolela mo e kgokaganego gona. Mpotshe se e emego godimo ga sona.” A re, “Itleme letheka ka bowena. Ke nyaka go bolela le wena bjalo ka monna.” Gomme Jobo o wele ka sefahlego sa gagwe boka motho wa go hwa. O be a sa kgone go e kgotlelala. Modimo o be a le fao. Ke lena bao. “O be o le kae ge Ke bea metheo ya lefase?”

¹⁵⁴ Ebangedi ye ya letago e profetilwe ke baprofeta ba Testamente ya Kgale. E tlie tlase go kgabola mabaka. E mo bosegong bjo. E hlatsetšwe ke Modimo. O swietše lefase. Ba lekile go E tima.

¹⁵⁵ Eupša, go leka go tima mollo ka letsatši la go tšutla phefo, le—le kota ye e omilego pele ga wona. Gobaneng, o ka se kgone go e dira. Bontši o o Iwantšha, ke bontši o o fago phefo; diphefo tše ntši di fago, e tla swa thata. Seo ke selo se nnoši.

¹⁵⁶ Re be re fela re eba le mollo wo monnyane, ntle ka dithabeng, ge ke be ke fela ke leka go dira mollo go swa ka leselaphutiana mosong. Ke be ke tšwela ntle kua le go lahlela diphata godimo ga wona; o ya go ba muši. Ke a tseba, ka kgonthe bjalo ka ge go na le muši wo monnyane, go na le mollo fale felotsoko. Selo se nnoši ke ilego ka swanelia go se dira ke go tšeа kefa ya ka le go ya go o futhela, gomme mafelelong ile wa tuka.

¹⁵⁷ Seo ke se Kereke e se hlokago lehono, ke go fothela mo gongwe ga Phefo ye maatla ya go kitima go swana e wele ka Letsatši la Pentecost, go E butswetša morago ka go Tumelo gape, go amogela Morena Jesu Kriste mo go tleng ga Gagwe ka Letagong.

¹⁵⁸ Lebelelang maswao, matete, dilo tša sephiri di a direga. “Ditšhišinyego tša lefase mafelongs a go fapanas; maphoto a phulawatle a phatlola leši,” feela boka Jesu a rile a tla dira, “pelo ya batho e šitwa; poifo.”

¹⁵⁹ Poifo, “Oo, ke mang a yago go lahlela pomo ya mathomo ya khopalete? Go tla direga eng? Mo diiring di se kae lefase ka moka le tla fedišwamoka.” Gobaneng, re tla ba ka Bogoneng bja Modimo pele e ka wela ntle ga sefofane. Yeo ke nnete. E tla ba eng? Go ka se be le selo, eupša re tla lahla . . .

Kobo ye ya kgale ya nama re tla e apola, le go
tsoga

Gomme ra thopa sefoka sa neng le neng,
Gomme ra goevela, ge re feta go kgabola moyas,
“Šalabotse, šalabotse, iri ye bose ya thapelo!”

¹⁶⁰ Go tla be go fedile, gomme re tla ya Gae. Ra bea mmele wo wa kgale fase; ra o fetola bakeng sa mphaphahlogo le kobo, mošola, wo o ka se nyamalalego. Wa boela morago go tloga go mokgalabje, mokgekoloko, go ya go motho yo moswa, go phela go ya go ile le go ya go ile, go phadima go phala; le go se hwe, go sepela godimo le tlase mekgotheng ya Letago, ka Bogoneng bja Morena Jesu Kriste. O opetše, “Letago go Modimo Godimodimo! O dirile dilo tše kgolo magareng ga rena.”

¹⁶¹ Ge re sa le leetong lehono, ka Maatla a Modimo a bonagatša se sengwe le se sengwe ka seatleng se sengwe le se sengwe, a re lebelelang go dikologa le go bona moo re lego. Lebelelang mohlare wa mogo o khukhuša. Lebelelang mehlare ye mengwe e khukhuša. Lebelelang ditšhaba di a khukhuša. Lebelelang

Kereke ya Moya wo Mokgethwa e khukhuša. Lebelelang Pentecost e bušeletša, go tla morago, maswao a go swana le dimaka. Haleluya!

A re ka rapela.

¹⁶² Tate wa Legodimong, re a Go leboga bošegong bjo, bakeng sa Maatla a tsogo ya Jesu Kriste, bakeng sa Sephedi sa Gagwe se segolo sa godimo, bakeng sa tlotšo ya Gagwe ya Moya wo Mokgethwa. Re leboga Wena ka gore O mo bjale, o a phela, o phela ka mehla, o dira dipuelano godimo ga boipolelo bja rena. Re a Go leboga bakeng sa Maatla a Gagwe a phodišo ao a re hlothotšego bjalo ka dikgabo, Morena, a re tlisitšego go tšwa lebitleng, o re tsoitše le go mpshafatša maatla a rena, le go re fa Maatla, gore re ke re ye pele le go phadima fa ka go leswiswi le. Re a Go leboga bakeng sa se.

¹⁶³ Tate, re a rapela gore O tla šegofatša yo mongwe le yo mongwe yo a sego a phološwa. Šegofatša bohole ba ba phološitšwego. E fe, Tate. Fodiša balwetši bohole; hwetša letago. Šegofatša tabarenekele ye nnyane ye. Šegofatša batho. Šegofatša Ngwanešu Neville, modiša. Šegofatša matikone ohle, bahlokamelaphahlo. E fe, Morena. Bea diatla tša Gago tša phodišo godimo ga bona. Gomme ge diabolo a etla ka gare gomme a hlola diphapano tše nnyane, e fodise, Morena, thwi ka pela, ka Moreku wa Gileada. E fe, Morena. Tšhollela oli ya go tlotša godimo ga bona. Ba dire ba kokobele ka pelong, bose ka soulong. A nke ba sepele ka dikgatong tša Morena Jesu. Dilo tša nama di direge go bona, gomme ba tla go babja, a nke Morongwa wa Modimo a eme kgauswi, go tlotša Madi a Jesu. E fe. Fodiša malwetši ohle.

¹⁶⁴ Nthuše, Morena, ge ke phuleletša ntle mošola ka mašemong, go boneng tlhoko ye kgolo yela. A tlhoko ka letsatšing! Dimilione di hwile. Bahetene ba dikete tše lekgolo masomenne nne ba hwile lehono, ntle le go tseba Kriste. Nthuše, Morategi Modimo. Re šegofatše bohole, mmogo.

¹⁶⁵ Gomme letsatši le lengwe, re tsoše go tloga lefaseng le, mošola, Morena, go dula le Wena ka teroneng ya Gago, ka mafelong a Magodimong godimo mošola, ka go Kriste Jesu. E fe, Tate. Go fihla nako yeo, a nke go phelega le maatla di be tša rena, ka gore re e kgopela Leineng la Jesu. Amene.

Oo, ke nyaka go Mmona, ke nyaka go lebelela
godimo ga sefahlego sa Gagwe,
Fale go opela go ya go ile ka mogau wa Gagwe
wa go phološa;
Mo mekgotheng ya Letago a nke ke phagamiše
segalontšu sa ka;
Matshwenyego ohle a fetile, gae mafelelong, go
hlalala ka mehla.

Ge ke eta go kgabola naga ye, ke opela ge ke
sepela,
Ke šupetša disoulo go Khalibari, go moela wo
mohubedu,
Mesebo ye mentši e phutše soulo ya ka go tšwa
ntle, ka gare;
Eupša Morena wa ka o ntlhahlela pele, ka Yena
ke swanetše go fenyenya.

Oo, ke nyaka go Mmona, ke lebelele go
sefahlego sa Gagwe,
Fale go opela go ya go ile ka ga mogau wa
Gagwe wa go phološa;
Mo mekgotheng ya Letago a nke ke phagamiše
segalontšu sa ka;
Matshwenyego ohle a fetile, gae mafelelong, go
hlalala ka mehla.

¹⁶⁶ Bjale theetšang, nakwana feela. Ke ba bakae Mamethodist
ba lego mo? Phagamišetšang diatla tša lena godimo.
Mamethodist? Ke Mabaptist a makae a lego fa? Phagamišang
diatla tša lena. Ke Mapresbyterian a makae fa? Phagamišang
diatla tša lena. Ke Manazarene a makae? Phagamišang diatla
tša lena. Ke Mapentecostal a makae? Phagamišang diatla tša
lena. Ke Malutheran a makae? Phagamišetšang diatla tša lena
godimo. Gabotse, bohole re mo. Lebelelang, sehlopha se segolo
gagolo, sa go hlakahlakana, sohle se dutše ka lefelong le tee, ka
mafelong a Magodimong, se hlalala ka go Tšhegofatšo.

¹⁶⁷ Bjale ke nyaka Mamethodist go šikinya diatla le Mabaptist,
Mabaptist le Malutheran. Retologang go dikologa bjale gomme
le šišinyane diatla seng, gomme o retologele morago ka tsela ye,
bjale, ge re e opela.

Ke šupetša disoulo go Khalibari, go moela wo
mohubedu,
Mesebo ye mentši e phutše soulo ya ka go tšwa
ntle, ka gare;
Eupša Morena wa ka o ntlhahlela pele, ka Yena
ke swanetše go fenyenya.

Oo, ke nyaka go Mmona, go lebelela go
sefahlego sa Gagwe,
Fale go opela go ya go ile ka ga mogau wa
Gagwe wa go phološa;
Mo mekgotheng ya Letago a nke ke phagamiše
segalontšu sa ka;
Matshwenyego ohle a fetile, gae mafelelong, go
hlalala ka mehla.

¹⁶⁸ A seo ga se le dire le ikwele gabotse? A ga se go dire o ikwele
boka bohole le...? Ke Bakriste ba bakae ba lego fa? Phagamiša
seatla sa gago. Yo mongwe le yo mongwe yoo a dumelago go

Morena Jesu Kriste, phagamiša seatla sa gago. Oo, nna! A selo sa go makatša!

¹⁶⁹ Bjale ge re arogana, ge re eya, go tšwa magaeng a ren a go fapan, a re yeng ka thapelo. Bjale a re opeleng ya ren a ye botse, pina ya kgale ya go phatlalala. Ke ba bakae ba e tsebag? *Tšeа Leina La Jesu Le Wena*. Yo mongwe le yo mongwe mmogo bjale, a re opeleng.

Tšeа Leina la Jesu le wena,
Ngwana wa mahloko le madimabe;
Le tla go fa thabo le khomotšo,
Le tsee, gohle mo o yago.

Leina le bohlokwa, (Leina le bohlokwa!) O
bose bjang! (O bose bjang!)
Kholofelo ya lefase le thabo ya Legodimo;
(Ee, Leina le bohlokwa!) O bose bjang!
Kholofelo ya lefase le thabo ya Legodimo.

Theetšang:

Leineng la Jesu go a inangwa,
Go wa go ikala maotong a Gagwe,
Kgoši ya dikgoši Legodimong re tla Mo rweša
korone,
Oo, ge leeto la ren a le fedile.

Leina le bohlokwa, O bose bjang! (O bose
bjang!)
Kholofelo ya lefase le thabo ya Legodimo;
Leina le bohlokwa, O bose bjang!
Kholofelo ya lefase le thabo ya Legodimo.

¹⁷⁰ Sese se ke nyakago le se dira.

Tšeа Leina la Jesu le wena,
Bjalo ka Kotse go tšwa go lenaba le lengwe le
le lengwe;
Ge meleko go go dikologa e kgobokana,
Hema Leina le Lekgethwa leo ka thapelo.
Leina le bohlokwa, (Leina le bohlokwa!) O
bose bjang!
Kholofelo ya lefase le thabo ya Legodimo;
Leina le bohlokwa, (Leina le bohlokwa!) O
bose bjang!
Kholofelo ya lefase le thabo ya Legodimo.



Go THOMENG LE GO FELENG GA LEBAKA LA BANTLE NST55-0109E
(Beginning And Ending Of The Gentile Dispensation)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Janaware 9, 1955, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org